



Sadržaj

1. **EURAXESS BIH portal**
3. **EURAXESS konferencija - Limasol, Kipar**
3. **Treći sastanak Upravne grupe Dan mobilnosti istraživača Kopaonik – Srbija**
4. **Kretanje EURAXESS mreže Skoplje - Makedonija**
5. **EURAXESS Portal administrator sastanak, Talin-Estonija**
6. **EURAXESS T.O.P Regionalna radionica, Janina - Grčka**
6. **Najava događaja**

Ciljevi projekta BAMONET su uspostavljanje održive organizacione strukture mreže servisnih centara u BiH, dizajniranje i izrada materijala, usluge za pomoć dolazećim i domaćim istraživačima, uspostavljanje BiH EURAXESS portala za "on-line" pružanje informacija i usluga, postizanje pune vidljivosti informacija i usluga mreže, te promovisanje rada mreže servisnih centara i EURAXESS inicijative.

EURAXESS BiH PORTAL - ON-LINE

BANJALUKA, 27. maj 2011.

U okviru projekta „Razvoj mreže centara za mobilnost u BiH (BAMONET)”, EURAXESS Centar BiH je kreirao portal za “on-line” pružanje informacija i usluga široj i akademskoj zajednici, a posebno istraživačkim radnicima. Portal je kreiran s ciljem postizanja pune vidljivosti osnovnih informacija i usluga koje pruža EURAXESS mreža u Bosni i Hercegovini. Kao dio široke evropske inicijative u kojoj učestvuje 37 zemalja, EURAXESS portal BiH predstavlja jedinstven, besplatan web servis koji omogućava pristup potpunim i ažurnim informacijama i uslugama, namijenjenim prvenstveno istraživačima iz Evrope ali i izvan nje, kao i domaćim istraživačima koji žele da započnu ili nastave svoju naučnu karijeru.

Na portalu se nalaze informacije i on-line alati namijenjeni istraživačima koji imaju interesa za gostovanje u nekoj od naučno-istraživačkih institucija u Bosni i Hercegovini, ali i istraživačima iz BiH koji planiraju da razviju svoju karijeru u srcu Evropskog istraživačkog prostora (European Research Area - ERA).

Na portalu se mogu pronaći korisne informacije o dolasku u BiH i boravku u njoj, pretraživati baza naučno-istraživačkih organizacija u BiH, koristiti alati za pretraživanje objavljenih konkursa za poslove, istraživačke grantove i stipendije. Pored ovoga, na portalu se redovno objavljuju vijesti i saopštenja, kako o generalnim pitanjima nauke i istraživanja, tako i o aktivnostima i događajima vezanim za rad EURAXESS mreže u BiH.

**DOBRODOŠLI:
www.euraxess.ba**

The screenshot shows the homepage of the EURAXESS Bosnia-Herzegovina portal. At the top, there is a navigation bar with the logo and the text 'EURAXESS BOSNIA-HERZEGOVINA'. Below this is a search bar and a language selection dropdown menu. The main content area features a 'Dear Visitor,' message and a 'Welcome to the Bosnia and Herzegovina EURAXESS Mobility Portal!' section. A sidebar on the left contains a menu with items like 'Homepage', 'BIH in brief', 'What is EURAXESS?', and 'EURAXESS in BiH'. On the right, there are social media links for Facebook and information about an international workshop.



EURAXESS portal BiH razvijen je na Univerzitetu u Banjoj Luci i nalazi se na adresi www.euraxess.ba. Ministar civilnih poslova, g-din Sredoje Nović, svečano je pustio u rad portal 27.05.2011. godine u Banjoj Luci kada je održan i prvi „Dan mobilnosti istraživača u Bosni i Hercegovini“. Gosti ovog događaja bili su predstavnici Evropske komisije, EURAXESS centara iz okruženja kao i ostale uvažene zvanice iz oblasti nauke i istraživanja (resorna ministarstva, rektori, akademici, istraživačka zajednica), kao i predstavnici Privredne komore Republike Srpske.



U sklopu ovog događaja održan je i okrugli sto na temu „*Problemi mobilnosti istraživača*“ koji je okupio predstavnike EURAXESS centara iz BiH, Hrvatske, Srbije, Makedonije i Crne Gore, te pripadnike akademske zajednice. Razgovarano je o osnovnim problemima vezanim za mobilnost istraživača u zemljama Zapadnog Balkana.

Istaknuti su problemi i prepreke pri kretanju istraživača i akademskog osoblja kako iz tako i unutar BiH, kao što su nedostatak nastave na stranim jezicima na univerzitetima u BiH, regulisanje odsustva sa radnog mjesta bh. istraživača radi ostvarivanja mobilnosti, državna koordinacija legislative u vezi sa doktorskim studijem.

„Dan mobilnosti
istraživača u Bosni i
Hercegovini“

EURAXESS KONFERENCIJA, 21 – 23.3.2011, Limasol, Kipar



Od 21-23. marta 2011. godine organizovana je redovna EURAXESS konferencija koja je održana u Limasolu, Kipar. Ova Konferencija, koja se održava svake druge godine, okupila je više od 250 učesnika iz 37 zemalja. Ovo je do sada najveća EURAXESS konferencija, odnosno Konferencija koja je okupila najveći broj učesnika.

Bosna i Hercegovina bila je predstavljena sa četiri predstavnika: tri člana Upravne grupe BAMONET projekta i jedan predstavnik EURAXESS servisnog centra, koji su bili aktivno uključeni u svim radnim sesijama i zajedničkim sastancima.

Tokom dvodnevne Konferencije razmatrana su brojna pitanja među kojima i sljedeća:

- EURAXESS POSLOVI: Kako privući što više istraživača u Evropi i dostići kritičnu masu,
- EURAXESS PRAVA: Kako uslužni centri mogu pomoći s ciljem stavljanja Strategije ljudskih resursa u akciju,
- EURAXESS USLUGE: Posegnuti za novim strateškim partnerima i postići kritičnu masu
- Kako razviti nove vještine kod istraživača za nove poslove.

Učesnici Konferencije su nastojali da pronađu rješenja po ovim pitanjima kroz rad u šest različitih radionica. Radionice su bile veoma sadržajne i kreativne što su pokazali i poster koji su učesnici pripremili kao rezultat svojih aktivnosti.

Pored ovoga, diskutovalo se i o zajedničkim trenutnim i budućim aktivnostima EURAXESS mreže. Predstavljen je i on-line priručnik za sve BHO, uslužne centre i lokalne kontakt tačke, ali i sve zainteresovane o tome kako se pružaju usluge, kakva su iskustva u radu sa uslužnim centrima. Takođe, u ovom priručniku, članovi EURAXESS mreže mogu pronaći informacije u vezi sa upravljanjem portalom, osiguranjem kvaliteta te načinima promocije i komunikacije.



TREĆI SASTANAK UPRAVNE GRUPE BAMONET PROJEKTA

BANJALUKA, 04. mart 2011.

U prostorijama Rektorata Univerziteta u Banjoj Luci održan je treći redovni sastanak Uprave grupe BAMONET projekta. Na sastanku se diskutovalo o realizaciji aktivnosti pri kraju prve projektne godine.

Članovi Upravne grupe su dali pozitivne komentare na izgled i sadržaj EURAXESS BiH portala (www.euraxess.ba). Usvojen je i nacrt Operativnog protokola za rad EURAXESS servisnih (uslužnih) centara u BiH. Ovim dokumentom su date osnovne smjernice za rad servisnih centara u BiH.

Nakon toga, članovi Upravne grupe su upoznati sa dokumentom „Declaration of Commitment“ koji bi, u najskorije vrijeme, trebalo da potpišu univerziteti u Sarajevu i Banjoj Luci kao institucije koje imaju formirane EURAXESS servisne centre.

Članovi Upravne grupe su dobili informacije o aktivnostima BHO u promovisanju EURAXESS inicijative između dva sastanka. EURAXESS Centar BiH se predstavio na nizu skupova kao što su: Regionalne radionice u Grčkoj, Srbiji, Hrvatskoj i Crnoj Gori, ali i na sastancima Rektorske konferekcije BiH i Rektorske konferencije Republike Srpske.



DAN MOBILNOSTI ISTRAŽIVAČA SRBIJA, Kopaonik, 6-8.3.2011.

Sa ciljem da obilježi završetak rada na projektu i napravi završnu promociju, nacionalna EURAXESS mreža u Srbiji je organizovala manifestaciju *“Dan mobilnosti istraživača u Srbiji”*. Ovaj događaj je organizovan u okviru jednog od najvećih srbijanskih naučnih skupova – YUINFO konferencije, a obuhvatio je plenarna predavanja, radionicu sa nazivom *“EURAXESS u Srbiji – evropski, regionalni i nacionalni aspekti”* i EURAXESS proslavu.

Manifestaciji su prisustvovali predstavnici više nacionalnih EURAXESS mreža iz Grčke, Bugarske, Hrvatske, Crne Gore, Makedonije i Bosne i Hercegovine, visoki predstavnici Ministarstva nauke i tehnološkog razvoja, odnosno prosvjete, kao i prorektori Univerziteta u Beogradu, Novom Sadu, Kragujevcu i Nišu. Oni su razmijenili nacionalna, regionalna i evropska iskustva, sa pokušajem da predvide uticaj mobilnosti istraživača na razvoj Evropske Istraživačke Oblasti (ERA) u cjelini i u različitim kontekstima.



POKRETANJE EURAXESS MREŽE U BJR MAKEDONIJI Skoplje, 10.3.2011.

Mreža EURAXESS-a raste. Najnoviji član ove porodice je EURAXESS BJR Makedonija. Svečanost zvaničnog početka je organizovana u prostorijama Makedonske akademije nauka i umjetnosti (MANU) u Skoplju koja je ujedno i BHO za BJRM.

Ovaj događaj je iskorišćen da se makedonska akademska zajednica upozna sa EURAXESS inicijativom. Stoga su na događaj bili pozvani predstavnici akademske zajednice, ali i predstavnici EURAXESS BHO iz Grčke, Hrvatske, BiH i Srbije.



Sastanak EURAXESS portal administratora, Talin, Estonija

Sastanak portal administratora
16-17.5.2011., Tallinn, Estonia



Sastanak EURAXESS portal administratora održan je u Talinu, Estonija, u periodu od 16 – 17.05.2011. godine. Svrha ove radionice bio je prenos iskustava nekih evropskih i zemalja zapadnog Balkana koje već imaju iskustva u realizaciji ciljeva EURAXESS portala. Na skupu su se mogla čuti veoma korisna iskustva partnera koji već duže vrijeme rade na ovoj inicijativi.



EURAXESS T.O.P. REGIONALNA RADIONICA 23-25.02.2011. Janina, Grčka

Univerzitet iz Janine (Grčka) i Centar za istraživanje i tehnologiju Hellas organizovali su svečanost povodom pokretanja EURAXESS Centra pod nazivom „Razvoj karijere i mobilnost istraživača u Evropi: politike i institucionalni alati“.

Ovaj događaj je imao za cilj da informiše istraživače iz regije Epira i regije Janinskih ostrva kao i javnost generalno, o nacionalnim i evropskim politikama po pitanju mobilnosti istraživača i razvoju njihove karijere. Tokom događaja prisutni su upoznati sa politikama i institucionalnim alatima koje pruža Evropska komisija s ciljem podrške i podsticanja mobilnosti istraživača. Posebno je pomenuta EURAXESS mreža te Povelja i Kodeks, kao i tekuće aktivnosti u programu Marija Kiri.

Naredni dan, Univerzitet u Janini je bio domaćin regionalne EURAXESS radionice koja je okupila predstavnike BHO iz regije. Radionica je bila prilika da predstavnici BHO-a iz regiona razmijene poglede o načinima funkcionisanja EURAXESS mreže u njihovim zemljama i da se ojača saradnja po pitanju mobilnosti istraživača u regionu.

Predstavnik EURAXESS Centra BiH, Dalibor Drljača, je ovom prilikom predstavio organizaciju i funkcionisanje EURAXESS mreže u Bosni i Hercegovini. Posebno je stavljen akcenat na promociju nedovršenog portala EURAXESS BiH koji čini bitnu okosnicu rada i funkcionisanja EURAXESS mreže. Napori koje EURAXESS Centar BiH čini da se aktivno uključi u rad EURAXESS inicijative su pozitivno komentarisani od strane prisutnih učesnika ove regionalne radionice.



NAJAVA DOGAĐAJA

Sastanak o istraživačkoj, imigracionoj i viznoj politici
5.7.2011. godine, Brisel, Belgija



EURAXESS CENTAR BiH

Adresa: Bulevar vojvode Petra Bojovića 1A, 78000 Banja Luka

Telefon/faks: +387 51 349 971

E-mail: info@euraxess.ba

WEB: www.euraxess.ba

